

光緒江西通志

江西通志卷一百六十五

列傳三十二 九江府一

晉

翟湯字道深尋陽人篤行純素仁讓廉潔不屑世事耕而後食人有饋贈雖金庾一無所受永嘉末寇害相繼聞湯名德皆不敢犯司徒王導辟不就隱於縣界南山始安太守干寶與湯通家遣船餉之敕吏云翟公廉讓卿致書訖便委船還湯無人反致乃貨易絹物因寄還寶寶益歎愧焉咸康中征西大將軍庾亮上疏薦之徵爲國子博士湯不起建元初庾翼北征石季龍大發僮客以充戎役敕有司特蠲湯所調湯悉推僕使委之鄉吏吏奉旨不受湯依所調限放免其僕使令編戶爲百

姓康帝復以散騎常侍徵固辭老疾不至年七十三卒
於家晉書

翟莊字祖休以孝友著名遵父湯之操不交人物語不及俗惟以弋釣爲事及長不復獵或問曰獵漁是害生之事先生止去其一何哉莊曰獵自我釣自物未能頓盡故先節其甚者時人以爲知言晚節亦不復釣端居華門歎菽飲水州府禮命及公車徵並不就子矯亦有高操屢辭辟命矯子法賜孝武帝以散騎郎徵亦不至世有隱德云晉書

周訪字士達本汝南人漢末避地江南至訪四世吳平因家尋陽訪少沈毅果於斷割爲縣功曹時陶侃爲散吏相與結友察孝廉除郎中上甲令皆不之官元帝渡

江命參鎮東軍事尋以爲揚烈將軍領兵屯尋陽鄂陵
與甘卓趙誘討華軼軼將周廣燒城以應軼眾潰執而
斬之遂平江州以訪爲尋陽太守復命與諸軍共征杜
弢弢遣其將張彥陷豫章王敦時鎮溢口遣繆蕤李恆
受訪節度與彥交戰訪率帳下將李午等臨陣斬彥賊
遂退歸湘州訪復以舟師造湘城軍達富口而弢遣杜
宏出海昏時溢口騷動訪步上柴桑偷渡與賊戰斬首
數百賊退保廬陵已而突圍出奔於臨賀又進訪龍驤
將軍豫章太守賜爵尋陽縣侯時梁州賊帥杜曾等引
兵向江陵經造沔口大爲寇害元帝命訪擊之訪有眾
八千進至沌陽遣李恆督左甄許朝督右甄訪自領中
軍高張旗幟曾果畏訪先攻左右甄訪令其眾曰一甄

敗鳴三鼓兩甄敗鳴六鼓自旦至申兩甄皆敗訪聞鼓音選精銳八百人自行酒飲之敕不得妄動聞鼓乃進賊未至三十步訪親鳴鼓將士皆騰躍奔赴會大潰遂定漢沔以功遷梁州刺史屯襄陽務農訓卒威風旣著遠近悅服智勇過人爲中興名將慨然有平河洛之志聞王敦有不臣之心訪恆切齒敦雖懷逆謀終訪之世未敢爲非初訪遇善相者謂訪與陶侃曰二君皆位至方嶽功名略同但陶得上壽周當下壽耳侃小訪一歲卒時年六十一謚曰壯二子撫光晉書傳原稱家廬江尋陽謹案晉書訪地在淮右與江州尋陽迥別訪父子皆爲江州名宦當入宦績錄但前志相仍皆列九江人物姑從其舊

用撫字道和彊毅有父風元帝辟爲丞相掾襲爵除鷹揚將軍武昌太守王敦用爲從事中郎與鄧嶽俱爲爪

牙敦敗撫與嶽亡走西陽蠻中明年詔原敦黨嶽撫詣
闕請罪有詔禁錮之咸和初司徒王導以撫爲從事中
郎出爲甯遠將軍江夏相蘇峻作逆撫從溫嶠討之峻
平遷監沔北軍事南中郎將鎮襄陽尋遷豫章太守益
州刺史永和初桓溫征蜀進撫督梁州之漢中巴西梓
潼陰平四郡軍事鎮彭模擊破蜀餘寇以功遷平西將
軍隗文鄧定等復反立范賁爲帝有眾一萬撫擊破斬
之進爵建城縣公征西督護蕭敬文作亂殺將軍楊謹
據涪城自號益州牧桓溫令梁州刺史司馬勳等會撫
伐之敬文固守自二月至八月乃出降撫斬之傳首京
師升平中進鎮西將軍在益州三十餘年卒贈征西將

軍謚曰襄子楚嗣

晉書

周光少有父風年十一見王敦敦謂曰貴郡未有將誰可用者光曰明公不恥下問竊謂無復見勝敦以爲甯遠將軍尋陽太守及敦舉兵光率千餘人赴之既至敦已死王應祕不言光遽見其兄撫曰王公已死兄何爲與錢鳳作賊眾並愕然其夕眾散錢鳳走出至閩廬洲光捕鳳詣闕贖罪蘇峻作逆隨溫嶠力戰有功賜爵曲

江男卒官

晉書

周楚字元孫起家參征西軍事從父入蜀拜鷹揚將軍犍爲太守父卒以楚監梁益二州假節襲爵建城公世在梁益甚得物情時梁州刺史司馬勳作逆楚與朱序討平之太和中蜀盜李金銀廣漢妖賊李宏並聚眾爲寇楚遣其子討平之卒謚曰定子瓊勁烈有將略歷數

郡代楊亮爲梁州刺史建武將軍領西戎校尉氐人寶
衝反欲入漢川安定人皇甫釗京兆人周勳等謀納衝
瓊密知之收釗勳等斬之尋卒子虓嗣晉書

周虓字孟威少有節操州召爲祭酒愍官梓潼太守甯
康初苻堅將楊安寇梓潼虓固守涪城遣步騎數千送
母妻從漢水將抵江陵爲堅將朱彫邀而獲之虓遂降
於安堅欲以爲尙書郎虓曰老母見獲失節於此母子
獲全秦之惠也雖公侯之貴不以爲榮況郎任乎堅乃
止每入見堅輒箕踞而坐呼爲氐賊堅黨以虓不遜屢
請除之堅待之彌厚後與堅兄子苞謀襲堅事泄堅引
虓問狀虓曰昔漸離豫讓燕智微臣猶漆身吞炭不忘
忠節況虓世荷晉恩豈敢忘也生爲晉臣死爲晉鬼復

何問乎堅曰今殺之適成其名徙太原後堅復陷順陽
魏興獲二守皆執節不撓堅歎曰周孟威不屈於前丁
彥遠潔已於後吉祖沖不食而死皆忠臣也越竟以病
卒於太原其子興迎喪冠軍將軍謝元親臨哭之上疏
表其厲節寇庭嬰禍荒裔雖蘇武之賢不復過也贈龍
驤將軍益州刺史贍賜其家

晉書

陶淡字處靜太尉侃之孫幼孤好導養之術謂仙道可
祈年十五六便服食絕穀不婚娶家累千金僮客百數
淡終日端拱曾不營問頗好讀易善卜筮於臨湘山中
結廬養一白鹿以自偶親故有候之者輒移渡澗水莫
得近之州舉秀才淡聞轉逃羅縣坤山中終身不返莫
知所終

晉書白志舊案陶淡人倫志不載林志以入
九江而晉書本傳不言何許人今姑從之林志

又訛以皇甫謐謝靈運爲尋陽人考
諸史傳謐安定人靈運陳郡人今削

漁父不知其姓名太康孫緬爲尋陽太守逍遙渚際見一輕舟凌波隱顯俄而漁父至神韻蕭灑垂綸長嘯問有魚賣乎漁父笑而答曰其釣非釣甯賣魚者乎緬遂褰裳涉水謂曰竊觀先生有道者也何晦用若是漁父曰僕山海狂人不達世務未辨賤貧無論榮貴乃歌曰竹竿籜筐湖水浟浟相忘爲樂貪餌吞鉤非夷非惠聊以忘憂於是悠然鼓櫂而去

南史

陶淵明字元亮尋陽柴桑人曾祖侃晉大司馬淵明少有高趣博學善屬文嘗著五柳先生傳以自況時人謂之實錄親老家貧起爲州祭酒不堪吏職少日自解歸州召主簿不就躬耕自資遂抱羸疾江州刺史檀道濟

往候之偃臥瘠餒有日矣道濟謂曰賢者處世天下無
道則隱有道則至今子生文明之世奈何自苦如此對
曰吾何敢望賢志不及也後爲鎮軍建威參軍謂親朋
曰聊欲茲歌以爲三徑之資可乎執事者聞之以爲彭
澤令公田悉令吏種秫妻子固請種秔乃使二頃五十
畝種秫五十畝種秔歲終會郡遣督郵至縣吏請束帶
見之淵明歎曰吾豈能爲五斗米折腰向鄉里小兒卽
日解綬去江州刺史王宏欲識之不能致也淵明嘗往
廬山宏命淵明故人龐通之齋酒具於半道栗里之間
邀之淵明有腳疾使一門生二兒昇籃輿旣至欣然便
共飲酌俄頃宏至亦無迕也先是顏延之在尋陽與淵
明情款後爲始安郡經過尋陽日造淵明飲焉臨去留

二萬錢與淵明。淵明悉遣送酒家，稍就取酒。當九月九日出宅邊菊叢中坐，久之忽值宏送酒至，即便就酌。醉而歸。淵明不解音律，而蓄無弦琴一張，每酒適，輒撫弄以寄其意。貴賤造之者，有酒輒設。淵明若先醉，便語客：「我醉欲眠，卿可去。」其真率如此。郡將嘗候之，值其釀熟，取頭上葛巾漉酒，漉畢還復著之。其妻翟氏亦能安勤苦，與夫同志。自以曾祖晉世宰輔，恥復屈身。後代自宋高祖王業漸隆，不復肯仕。元嘉四年，將復徵命，會卒。時年六十三，號靖節先生。梁蕭統集

晉書云：陶潛字元亮，南史因之。又以淵明爲深明，與昭明太子所撰本傳皆不同。蓋晉書南史成於唐人之手，其譌淵固宜。但若休文與昭明同時去陶世，且甚近，何名與字亦復參差互異？竊所未解。

晉名淵明入宋，改名潛，似爲得之。

張野字萊民居尋陽柴桑與淵明有婚姻契學兼華梵尤善屬文性孝友田宅悉推與弟一味之甘與九族共州舉秀才南中郎府功曹州治中徵拜散騎常侍俱成就依遠公習淨業及遠公卒爲序稱門人世服其義義熙十四年與家人別入室端坐而逝年六十九族子詮字秀碩尙情高逸酷嗜典墳雖耕鋤猶帶經不釋徵散騎常侍不起庾悅以其貧起爲尋陽令笑曰古人以容膝爲安若屈志就祿何足爲榮乃入廬山依遠公研窮釋典深有悟入宋景平元年無疾而逝春秋六十五遺
高賢傳謹案張野舊志列入宋代野歿于義熙中未嘗入宋代也今改正

隋

周羅喉字公布九江尋陽人十五善騎射任俠放蕩

收聚亡命陰習兵書仕陳爲句容令從吳明徹與齊師戰於江陽爲流矢中左目躍馬突進斬首不可勝紀進師徐州與周將梁士彥戰於彭城勇冠三軍以功封始安縣伯總檢校揚州中外諸軍事賜金銀三千兩盡散之將士陳宣帝深美之出爲晉陵太守進爵爲侯使持節都督豫章十郡諸軍事豫章內史獄訟庭決不關吏手人懷其惠立碑頌德至德中都督南州江州司馬吳世興密奏羅睺擁眾嶺表意在難測蕭摩訶等保明之除太子左衛率時參宴席詩每前成都官尚書孔範曰羅睺執筆製詩還如上馬入陣不在人後自是益見親禮及隋伐陳羅睺督軍以拒及陳主被擒上江猶不下晉王廣遣陳主手書命之羅睺與諸將大臨三日乃降

高祖慰諭之許以富貴羅睺垂涕對曰本朝淪亡臣無
節可紀陛下所賜獲全爲幸富貴非所望帝甚器之拜
上儀同三司鼓吹羽儀送之於宅厯幽涇二州刺史開
皇十八年征遼東徵爲水軍總管自東萊泛海趣平壤
城遭風船多漂沒無功而旋突厥犯塞從楊素致討羅
睺先登大破之進大將軍賜爵義甯郡公煬帝卽位授
右武侯大將軍副楊素討平漢王諒進上大將軍及陳
主卒羅睺請一臨哭許之衰絰送至墓葬還釋服然後
入朝世稱其有禮時諒餘黨據絳晉等三州詔羅睺進
兵圍之中流矢卒送柩還京行數里輿馬自止策之不
動有風旋繞焉絳州長史郭雅稽首祝曰公恨小寇未
平邪尋卽殄滅無爲戀恨是時風靜馬行見者莫不悲

歎其年七月子仲隱夢羅睺曰我明日當戰其靈坐所有弓箭刀劍無故自動若人帶持之狀絳州城陷是其日也贈柱國右翊衛大將軍謚曰壯子仲安位上開府

北史
舊志

謹案周羅睺誤入陳今改正

唐 南唐

鄭良德安人江州刺史鄭善果之孫也貞觀初善果官江州政教洽敷愛民興學號爲清吏卒於官因家焉良樂道不仕嘗與其子誼公登紫巖峯觀敷淺原有白鹿躍於馬前語諸子曰吾家禮義相傳後必蕃昌吾百年後可葬於此乃名其隣曰孝志阪曰萬家後子孫果蕃衍析居江州者千有餘家

安志

陶峴潛之裔孫開元中移居崑山與孟彥深孟雲卿焦

遂游嘗製三舟一自載一供賓客一置飲饌有女樂一部奏清商之曲逢林泉則窮其景物吳越之士謂之水仙其西塞山下回舟詩有云匡廬舊業是誰主吳越新居安此生白髮數莖歸未得青山一望草還成

全唐詩話

陳伯宣陳宜都王叔明之後叔明五世孫京無子以從子袞爲嗣伯宣袞曾孫也避難泉州與馬總善注司馬遷史記行於世後遊廬山居德安以著作佐郎召不起大順初卒子崇爲江州長史益置田園爲家法戒子孫擇羣從掌其事建書堂教誨之僖宗時詔旌其門南唐又爲立義門免其徭役崇子袞江州司戶宋史陳兢傳

周勣瑞昌人天祐初亂勣以勇敏應江西防遏使司徒鍾傳表補江州軍總管升御史中丞領尚書事時羣雄

割據無敢窺江淮者勅之功居多

林志

江夢孫字聿修尋陽人烈祖輔吳表爲祕書郎夢孫自言迂儒無裨益欲小試於治民求爲縣令乃補天長令烈祖先持告身示之曰今日受此明日趨走庭下矣曰此素志也庸何傷及至天長吏白縣署正寢有淫厲不可居夢孫不從是夕果有怪並出夢孫起焚香曰受命爲令當治事於此鬼神有祠廟邱壘何不各歸其所語訖皆斂迹夢孫治縣寬簡吏民安之逾年棄官還家事繼母盡孝爲諸生講禮釋經義凡至疑處輒斂衽曰此科先儒猶多異同夢孫安敢輕言諸君自擇所長可也

南唐保大中卒年八十五贈國子司業

陸游唐書

陳褒江州德安人唐給事中京之後

宋史京官祕書少監集賢院學士無

子以從
子
衰爲嗣

子

江
西
通
志
卷
二
三
九
江
府

八

堂上男女異席未冠笄者又爲一席畜犬百餘共以一
船貯食飼之一犬不至羣犬皆不食築書樓延四方學
者鄉鄰化其德獄訟爲之衰息昇元初州以聞復徭役

表門閭

陸游南唐書
謹案陳褒事與宋史
陳兢傳所載歧異姑仍陸書之舊

宋

馬適湖口人祖良俊葬幞頭山識言沙洲圓出狀元已
而生適慧悟勤敏嗜學建隆二年以文學高等擢進士

第一

人事母篤孝母卒居廬毀瘠卒於家

府志

夏承皓字靈石德安人太宗時上平晉策遷右侍禁契
丹內寇承皓由閒道發兵與契丹遇戰歿於河朔褒贈

崇儀使

人物

許祚江州德化人八世同居長幼七百八十一口太平
興國七年旌其門閭淳化二年本州言祚家春夏常乏
食詔歲貸米千斛同邑范芸軒五世同居元貞開詔復

其家

安志

陳兢江州德安人袞孫其父昉試奉禮郎十三世同居
上下姻睦人無閒言開寶初平江南知州張齊上請免
其徭役昉弟之子鴻太平興國七年江南轉運使張齊
賢又奏免雜科兢卽鴻之弟淳化元年知州康戬又上
言兢家常苦食不足詔本州每歲貸粟二千石後兢死
其從父弟旭每歲止受貸粟之半云省嗇而食可以及
秋成屬歲儉穀貴或勸其全受而糶之可邀善價旭曰
朝廷以旭家羣從千口軫其乏食貸以公粟豈可見利

忘義爲罔上事乎至道初遣內侍裴愈就賜御書還言
旭家孝友儉讓太宗嘗對近臣言之參知政事張洎對
曰旭宗族千餘口世守家法孝謹不衰閨門之內肅於
公府且言及旭受貸事上以遠民義聚復能固廉節爲
之歎息大中祥符四年以旭爲江州助教旭卒弟蘊主
家事天聖元年又以蘊繼爲助教蘊卒弟泰主之泰弟
度太子中舍致仕從子延賞可並舉進士延賞職方員

外郎朱史

夏竦字子喬父承皓與契丹戰歿於河朔竦以死事恩
授丹陽簿上書乞應制舉擢光祿寺丞遷右正言真宗
幸亳州爲東京留守推官仁宗封慶國公宰相王旦薦
竦才命教慶國公書未幾同修起居注是時君臣爭言

符瑞竦獨抗疏以爲不可出知襄州歲饑全活數萬人
厯洪州洪俗信巫竦索部中得巫一千九百餘家毀其
淫祠以聞朝廷詔江淮以南皆嚴禁絕天聖中因王欽
若圖進取復知制誥累遷尚書左丞元昊叛拜陝西經
略使徙判河中召拜樞密使以諫官御史言遂罷又數
年召以爲相制下而言者又謂竦與陳執中不協不可
共事遂改樞密封英國公皇祐元年改封鄭國公卒贈
太師賜謚文正考功以竦行不應謚改曰文莊東都白
志舊案竦始則諫止符瑞繼爲玉清昭應宮判官輒附會神怪僥倖取進述其生平純疵互見當時至以姦邪目之似乎近苟若舊志及豫章書稱揚太過又未免失實今從史傳節存其概云

胡旦德安人父清娶義門陳氏生旦咸平閒進士累遷
兵部郎中直祕閣五世孫清紹興十三年授貴州防禦

使有茂績於民封武功縣開國男食邑三百戶

府志

羅或景德中扈駕親征至澶淵與宰相參議軍務上遣

或使邊賜以紫金帶還鄉領本貫江州刺史

人
物
志
謹
案
澶
淵

之役宋正史雜傳記紀述最詳無

據

陳巽字公順德化人祥符八年進士及第歷常州團練

推官補武安節推時侍御李偕守武安事倚巽決凡二

十四獄人皆服其平用薦改著作佐郎知廬陵縣先是
樞密副使姜遵嘗爲廬陵民德之至是有前姜後陳之

諺移知資州通判潭州時溪蠻犯約知州事劉夔劉沅

繼出行徵巽內修民事外奉師費凡輸粟帛金錢四十

八萬兵械稱之用足於軍而賦役不加於民厯知撫州
蜀州蘄州所至有惠政以目疾請老英宗卽位遷祕書

監性好學聲音星厯之技無所不知

會南豐集

白

載人物志以爲星子人今據會
子固所撰神道碑改入九江

舊案陳巽林志失

王韶字子純江州德安人舉進士調建昌軍司理參軍

因客遊西邊時神宗初立韶內知天子智勇有志於天

下乃上平戎策曰國家欲制西夏當復河湟河湟復則

西夏有腹背之憂自唐乾元以後吐蕃陷河湟至今董

璫不能制諸羌而人自爲部莫相統一宜以時并有之

以絕夏人之右臂凡數千言神宗覽而奇之召問方略

以爲秦鳳路經略司機宜文字親帥數騎直抵青唐渭

源諸羌帳中招諭之且留宿以示不疑青唐渭源皆遣

其族隨韶歸附改保平軍節度推官召對因言營田互

市之利從之改提舉鳳翔西京節度使兼管營田市易

公事熙甯三年奏墾田數知秦州李師中言其不實奪
一官旣而加太子中允祕閣校理五年改古渭砦爲通
遠軍以韶兼知軍會木征度洮來寇韶語諸將曰若官
軍至武勝則抹邦山可一舉而定卽趨武勝遇木征首
領瞎藥等與戰破之遂城武勝賜名鎮洮軍復遣將擊
破木征木征走弟結吳延征舉族二千餘人并大首領
李蘭璫等出降升鎮洮軍爲熙州以熙州洮岷州通遠
軍爲一路卽熙州爲帥府進韶龍圖閣待制知熙州韶
行軍五十四日涉千八百里復州五辟地東西千里斬
首三千餘級獲牛馬羊以萬計以功遷端明殿學士兼
龍圖閣學士左諫議大夫入覲進資政殿學士兼制置
涇原秦鳳軍馬糧草韶還至興平會知河州景思立出

兵踏白城敗績賊圍河州詔曰賊所以圖河州者恃有
外援也今知救至必設伏以待我不若以兵直趨定羌
遣將破耳金欺當二族進次甯河分兵討南山羌賊賊
失援驚潰初思立輕敵覆軍賊勢復振而京師風霾旱
災連仍論者欲棄河湟神宗爲之旰食數遣中使戒詔
駐熙州持重勿出及是捷聞神宗大喜賜詔嘉之詔還
熙州遣將以兵循西山出踏白後賊黨望風奔潰斬獲
甚眾於是木征請降進觀文殿學士禮部侍郎七年拜
樞密副使以母老乞外任除觀文殿學士戶部侍郎知
洪州以表謝上御史蔡確言其罔慢落職知鄂州久之
還舊職復知洪州卒年五十二謚曰襄敏子厚爲將有
功端徽宗時爲顯謨閣待制宋當著作東觀後爲兵部

侍郎以左道誅

東都
事略

李受德化人爲太子少保乞歸廬山哲宗詔王珪司馬光呂公著等餞飲於資政堂賦詩以贈之其弟東之以經筵官乞歸詔亦命珪等餞送如受當時以比二疏云

林志

王厚字處道少從父韶兵閒習羌事以父任爲大理評事後以文易武爲禮賓副使佐熙河帥府會吐蕃種落亂其王瞎征隴拶爭國厚與河州守將王瞻欲招徠羌人復故地師出塞下邈川諸城瞎征以其屬來降厚次青唐隴拶擁萬騎出迎遂定青唐元符末湟鄯不守厚坐貶崇甯初復故官自湟鄯棄畔羌多羅巴等迎隴拶之弟曰溪賒羅撒復國朝廷賜隴拶姓名曰趙懷德令

還邈川溪賊羅撒之黨謀掩殺之懷德懼奔河南議者謂諸羌連結且生邊患朝廷方謀鎮輯而大臣有薦厚者賜對命知河州兼經略使厚請擇人以自助遺童貫與偕至乃如京玉關厚請進兵邈川與諸將分部而進於是高永年爲統制官以兵三萬出京玉厚以兵三萬出安鄉多羅巴結連鄯郭兵眾未會使其三子以數萬人據險自守進擊敗之俱遁進至湟州攻三日拔之以功拜威州團練使帥熙河溪巴溫之妻大掌牟卒諸部籍土地請降三年厚命高永年以左軍循宗水張誠以右軍出宗谷厚以中軍登山攻其背自督強弩迎射之置陳倚北山厚以中軍登山攻其背自督強弩迎射之賊大敗溪賊羅撒以一騎馳去未至鄯州五里僞國主

龜茲公主胄宜結牟及大酋李阿溫率眾開門降更鄆州曰西甯州拜武勝軍留後以牽制夏人坐逗留降郢州防禦使初大掌牟之入見也徽宗親撫諭使歸而誘致其子至是趙懷德遣使約降猶豫未決厚以書諭之懷德遂送款復武勝軍留後還朝提舉中太一宮卒贈

甯遠軍節度使謚曰莊敏

東都事略

王寓一作寓字元忠江州人父易簡資政殿學士寓歷校

書郎著作佐郎度支員外郎兼充編修官國子司業爲起居舍人改中書舍人兼蕃衍宅直講欽宗立以給事中命兼邇英殿經筵侍講轉吏部侍郎升禮部尚書翰林學士康王之使金也以寓爲尙書左丞副之乞免貶

單州團練使建炎中賊馬進破江州被害

林志

張夢祥彭澤人宣和進士欽宗北行夢祥被執不屈金
主義而釋之退隱仁磯終身不仕號曰仁山先生

林志

陳士尹字彥衡德安人建炎初與武甯李彥先同應詔

勤王時號三將軍在軍中十五年忠義激烈奮不顧身

與金人鏖戰屢奏功後與李彥先同沒於陣事聞贈保

義郎淮西統制兵馬使敷立碑祀之

人物志

謹案舊

志陳士尹

後有連

大清

萬夫德安人考萬夫

湖北應山人屬德安府

人物非江西德安縣人

萬夫德安人考萬夫載湖北德安府人物非江西德安縣人也乾隆德安縣志亦不載今刪

王阮字南卿江州人父彥傳靖康勤王有功阮少好學
尚氣節自稱將種嘗謁袁州守張栻栻謂曰當今道在
武夷子盍往求之阮見朱子於考亭與語大說之登隆
興元年進士時孝宗初卽位有詔經理建業以圖進取

而大臣巽懦幸安計未決阮試禮部對策曰臨安蟠幽
宅阻面湖背海膏腴沃野足以休養生聚其地利於休
息建康東南重鎮控制長江呼吸之間上下千里足以
虎視吳楚應接梁宋其地利於進取建炎紹興閒敵人
乘勝長驅直擣而我師亦甚憊上皇遵養時晦乃駐臨
安所以爲休息計也主上獨見遠覽舉而措諸事業非
固以臨安爲不足居也戰守之形既分動靜進退理異
也今東南王氣鍾在建業長江千里控扼所會輒而弗
顧退守幽深之地若將終身焉如是而曰謀國果得爲
善謀乎古人有言千里之行起於足下人患不爲爾知
貢舉范成大得而謫之嘆曰是人傑也調南康都昌主
簿以廉聲聞移永州教授獻書闕下請罷吳楚牧馬之

政而積馬於蜀茶馬司以省往來綱驛之費歲時分牧
之資凡數千言紹熙中知濠州請復曹瑋方田修種世
衡射法日講守備與邊民親訪北境事宜終阮在濠金
不敢南侵改撫州韓侂胄宿聞阮名特命入奏夜遣密
客詣阮阮不答私謂所親曰吾聞公卿擇士士亦擇公
卿劉歆柳宗元失身匪人爲萬世笑今政自韓氏出吾
肯出其門哉陞對畢拂衣出關侂胄大怒批旨予祠阮
於是歸隱廬山盡棄人閒事從容觴詠而已嘉定元年

卒

宋史

權安節字信之九江人知臨江軍時江水齧岸多至傾
圮安節請於朝得緡錢若干重築之民甚賴焉

林志

蔡元思德安人朱子守南康時講學於白鹿洞元思從

之遊隱居求志樂道不仕朱子沒心喪三年又以事文公者事黃直卿而卒業焉晚與同門數人每季月一集

以相切磋如此者三十年州間履行其化

人物志舊案蔡元白

忠事詳見虞道圖蔡氏義學記

周舜弼瑞昌人與弟亨仲從子仿嘗從朱子講學於白鹿洞立身行己一以聖賢爲師朱門號稱高弟隱居不仕

人物志

高天錫字竹潤彭澤人宋季嚴禁道學考亭之學幾廢天錫獨究心審華實辨理欲往來白鹿洞學者咸敬信之卒之日自云我欲還造化舊物矣奄然而逝祀鄉賢

安志

吳元字季誠德安人開禧元年與其弟宏愈三人同舉

進士元官知制誥累贈正議大夫宏字季剛官饒州司
戶愈字季謙初尉信陽金人圍信陽守令皆逐去愈獨
嚴兵禦之以帛十餘丈作大旗一特題吳愈二字敵眾
望見不測遂舍之去厯官沿江制置使兼知鄂州入直
翰苑官兵部侍郎卒贈光祿大夫少師謚文肅

林志

吳革字時夫元子三領舉於漕肄業白鹿書院任撫州

崇仁尉累官文華閣學士沿江制置使江東安撫知建
康府兼淮西總領每以崇正學基化本宣德達情爲已
任卒贈光祿大夫謚清惠

人物志

王登字景宋德安人少讀書喜古兵法慷慨有大志不
事生產淳祐四年舉進士調興山主簿賈似道檄修江
陵城條畫有法制置使李曾伯經理襄陽登在行尋以

母憂去及吳淵爲制置使邊事甚亟憶登才略具書帛招之登方與客弈發書衣冠拜家廟長揖出門問牛幾何可盡發犒師淵慨然曰事亟矣柰何登曰亟呼諸將共議眾至驩躍曰景宋在此淵曰汝輩欲西門出景宋欲從方城如何眾曰惟命登曰用兵患不一登書生不過憑軾觀戰請五大帥中擇一人爲節制淵曰請景宋出正爲此也卽書銀牌曰代某親行將士用命不用命賞罰畢具登至沙市椎牛釀酒得七千人誓曰登與諸將義同骨肉今日之事登不用命諸將殺登以獻主帥諸將有一不用命登有制劄在不敢私也眾股慄聽命竟立奇功於沮河趙葵爲制置使見登握手曰景宋一身膽惜相見晚也俾參宣撫司兼江西兩節馬光祖爲

制置使辟充參謀官遷軍器少監京西提點刑獄開慶
元年提兵援蜀約日合戰夜分登經理軍事忽絕倒五
藏出血俄而卒

宋史

顏希孔彭澤人爲本縣簿宋末元師南下取安慶江州
希孔率民兵八百人大聚舟楫各載石萬計戰於江中
飛石四擊敵舟幾敗已而石盡力屈被害民爲葬其骨
於鳳凰山麓

人物志

戴羽德安人隱居積學徵辟皆不就著武侯通傳三卷
史評一卷虞集爲之序

明一統志

元

柳從龍字雲卿九江人志行卓然年長於吳澄而學於
澄家闔閭之中築精舍曰靜虛晨省之暇飽玩聖賢之

江右通志卷二十三 九江府

書澄爲作靜虛精舍記

吳文正公集

黃澤字楚望其先長安人唐末家資州父儀可隨兄驥子官九江蜀亂不得歸因家焉澤生有異質慨然以明經學道爲志苦思成疾疾止復思久之如有所見作顏淵仰高鑽堅論近代覃思之學推澤爲第一吳澄嘗觀其書以爲平生所見明經士未有能及之者然澤雅自慎重未嘗輕與人言李洞使過九江請北面稱弟子受一經且將經紀其家澤謝曰以君之才何經不可明然亦不過筆受其義而已若予則於艱苦之餘乃能有見吾非邵子不敢以二十年林下期君也洞歎息而去或問君自闕如此甯無不傳之懼澤曰聖經興廢上關天運予以爲區區人力所致邪旣老不復能教授歲大侵

家人采木實草根以療饑晏然不以動其意至正七年
年八十七乃卒遺書存者十二三門人休甯趙汸得其
春秋之學爲多元史謹案黃楚望舊志列寓賢攷其父儀可已家九江儀可仍入寓賢而錄

楚望于此

李時彭澤人母病思魚羹攜筌求於港終日弗得俄有一叟過問知其意導之曰此宜舉筌遂得鯉奉母病乃

痊安志謹案安志江州范士奇亦以孝稱附識

甘楚枋德安人學通五經有盛名於世以明經舉進士屢爲江浙湖廣河南行省典試官稱爲得人後官武岡

縣令府志

吳觀字賓夫宏子兩試漕舉世濟其美至元閒知分甯縣括私帑置田數百畝立存惠倉以賑貧民去後民爲

立祠累官朝請大夫湖廣提刑兼知衡州轉江西提刑

兼知贛州又轉江東提刑知饒州皆有政聲謹案觀知

分甯州志列寶祐中此言轉江西提刑兼知贛州亦非

元制其爲元人與否不能明也以舊志久著姑仍之

劉受二九江人原稱五柳鄉至正閒以貢任池州府推

官張士誠倡亂受二戰於城西渡口敗績眾皆逃受二

還城死守城陷不屈死之

人物志

謹案舊志元人物首載趙復德安人考元史復本傳復
生江漢之上學者稱江漢先生非江西人也

大清

一統志趙復載湖北德安府人物今據刪

明

孫復字明德九江人元至正閒隨其父掾廬陵日從經師學士遊比壯通春秋大義壬辰春斬兵倡亂首陷江州乃與其兄亡走池州王師自建康分道總制何文輝

將兵取池州所至施恩著信民稍稍來附尤極意搜延
士類或以復見與語奇之卽留置幕下己亥從守龍江
以防東寇時陳友諒假名號據上流勢岌岌相軋上親
率大軍往討之復從軍西上時時被堅執銳雜行伍中
旣而陳氏不敵狼顧鼠竄及師過安慶陳守將聞江州
破已先遁掠陣官韓某以城降城中餘眾尙數千人遣
復入城撫諭比至韓不見信使勇士數十人列階下側
目露刃相視復不爲動從容正色撫以恩信眾爲之逡
巡退卻乃還壬寅羅友賢復據貴池東流諸縣以叛屢
招之不下令復往諭之卽日就道旣見爲之宣揚威令
陳述禍福請以八月出謝旣而過期不至有旨命遣人
再諭之乃遣宣使安中與俱時友賢出駐城山留館中

數日不得見至夜半忽有兵百餘人呼譟而至復與安中俱被劫縛將加刃焉復大呼曰朝廷待汝寬厚汝自負恩失信至此而猶不知悔邪吾奉命再來救若等性命耳何得反加害言已眾稍靡未明友賢遣人先釋復縛且謝過歸罪其下至日中大陳兵衛請相見設酒饌而安中仍拘繫他所時所持書檄已爲劫去復以口舌代之反覆數百千言友賢內懷猶豫復遂力求歸惟留安中不遣復曰吾二人奉使出疆同一命也豈有一去一留之理若安中不遣而余獨歸朝廷若問安中某將何辭以對顧得歸亦死甯不得歸請與安中同死於此詞氣慷慨友賢爲之感動卽令與安中等俱還旣而文輝調守江西拜行省參知政事欲薦之不可命其子拜

而師事之

劉聯
方集

張羽字來儀尋陽人從父宦江浙兵阻不獲歸與友徐賁約卜居吳興領鄉薦爲安定書院山長再徙於吳吳下詩人稱四傑者羽賁及高啟楊基也洪武四年徵至京師應對不稱旨放還再徵授太常司丞太祖重其文親述滁陽王事命羽撰廟碑尋坐竄嶺表未半道召還自知不免投龍江以死羽文章精潔有法尤長於詩作畫師小米

明史
高啟傳

張安仁字體靜九江人洪武初知乳源以廉能著城池公署學宮壇祠皆其創始撫綏有方人至今思之廣東通志歐陽尙誠彭澤人以孝友著稱元末率眾訓練爲邑保障高皇帝征陳友諒尙誠率其眾齋牛酒勞師友諒平

召至京師授世襲本縣令力辭授本縣丞終其身仍賜
鐵券銀器遣歸弟尙八從征遇害旣已喪元猶乘騎奔
走如生至家乃墮鄉黨神而祠之洪武乙巳尙誠平洪
懸洪黨復讐尙八妻謂其妾曰吾懼爲洪懸所辱遂閉
門自焚死人物志

黃信彭澤人歲貢入監洪武末任湖廣道御史厯廣西
按察使晉湖廣布政使至右副都御史剛方不屈深得
紀綱之體論彭澤德望者信爲首稱云人物志

劉隆字尙文彭澤人洪武中由監生擢廣州府同知勤
於政事晉福建參議俄轉廣西閩之土庶上疏懇留遂
升福建按察使巡視海道備倭甚整在官三十餘年操

守如一

分省人考

吳禮德化人洪武中官金華知縣調嘉興歷河南西平煩劇之地皆以廉能稱擢知河曲州改濟甯後以雲南大理同知致政崇祀鄉賢祠

府志

謝敬湖口人洪武中任四川道御史直道自信糾彈不避權勢以廉能稱

林志

周環瑞昌人洪武鄉舉官刑科給事中永樂閒以邊餉功擢山西左布政使九年考績士民上疏懇留復任歷二十一年正統初致仕

人物志

周泰亨彭澤人永樂進士任廣西道御史巡按直隸湖廣克貞憲度百僚肅清終湖廣按察僉事

府志

王賢字茂先德化人性質直略涉經史尤善於醫永樂閒以賢良方正薦辭不就惟以醫藥濟人不賣其報一

日於玉波橋畔拾遺金一餅於其所候失金者歸之卒年九十三人以爲陰德所致

明一統志

史中德化人永樂中由太學生任衡州通判守法恤民不憚豪貴尋擢本州太守有中使貪橫經衡州中搜詰其舟密奏於朝詔命誅之後轉陝西左參政致仕卒

人物志

游瑞德化人永樂歲貢任給事中升鎮江府知府有惠政在郡十八年致仕士民懷之

明一統志

燕善德化人永樂癸卯舉於鄉任湖廣武陵縣令馭吏以嚴撫民以寬號爲良吏入覲受敕旌異尋擢太僕寺

丞

府志

周振德安人永樂進士任浙江道監察御史閒行伺察

悉知民隱按治貪墨無所假貸升廣東僉事釐革宿弊
嶺南肅清

府志

豐慶瑞昌人正統進士任兵科給事中厯官河南左布

政使後占籍鄞縣子耘爲湖口訓導耘子熙翰林學士

熙子坊鄉試第一成進士代有文名

林志謹案慶本
鄞人其父寅初官

九江訓導慶以宦籍寄江西晚年歸鄞子熙明史有傳仍稱鄞縣人

駱敏湖口人正統進士任湖廣僉事時楚藩不法敏密

疏上聞遂挂冠歸後徵爲祭酒不起詔有司月給俸廩

優異之人物

呂鐸字文振德化人正統進士官兵部主事成化閒轉

山東右參議進浙江左參政爲人寬簡與物無競性又

廉潔內帑賑邊故事得私其羨鐸秋毫不染朝野重之

府志

勞鉞字廷器德化人景泰進士歷江浦臨清山陽三縣俱有政聲成化中晉太僕寺丞出知湖州有惠政卒官祀爲城隍神族子堪嘉靖進士官至副都御史博學能文所著有憲章類編詩海遜源柴桑子書行世

人物志

史珍字廷玉德化人中之子景泰進士知宿遷縣節費愛民不憚權貴獄獄有父風不爲當道所悅稍遷鎮江府通判解綬歸

人物志

柯茂湖口人景泰鄉舉任樂昌令以儉素率民凡民閒服用婚葬侈靡者痛抑之九年秩滿當遷民奏留之又三年乃致仕歸

人物志

王恕字南忠湖口人景泰進士任兵部主事恕諳天象

兼精兵法累官廣東參議時征猺寇恕提兵隨韓雍後

將帥倚恕進止猺以之平

府志

夏英字育才德化人成化進士授南工部主事升郎中
有經畫才出爲延平知府改邵武下勸農桑之令均徭
役廣儲蓄有聲入閩閒卒於官所著有方田集

人物志

廖紀字惟修九江衛人宏治進士授浙江安吉知州擢
南職方員外郎轉都水郎尋改營繕奉公執法多忤權
勢出知延平府又歷平陽皆有政聲嘉靖五年進廣西
按察副使征思恩田州叛苗遘疾卒

府志

董伯益樂安人徙居瑞昌黃沙以漁爲業家累萬金散
其資給窮人瘞漂戶振寒士其後董昺者伯益疏屬也
有膽智修建謝元暉墓起謝東山祠逆濠將裔其子諸

生董朝翰以千金贖歸拊其背曰千金活汝亦幾殺汝盡散之貧人自捕魚澤中人物志 謹案府縣志無其後董爵者伯益疏屬也有謹案府縣志無其智三句是以二人爲一人矣未知孰是

王廷翰彭澤人勇敢有爲正德己卯逆濠作亂游兵劫境廷翰率子弟鄉兵奮前擊賊矢盡力窮卒爲所害林志黃材德化人讀書崇禮性孝友父病篤藥不能療乃焚香籲天引刀剗左股肉和粥進之後父歿妻見其股癥

詢之始知其故鄉里莫不歎服

明一
統志

柳邦傑字匡廬德化人正德鄉舉寢濠叛潯城不守邦傑以二親老莫能行扶抱號泣賊感其孝得釋謁選授瓊州同知黎人倡亂單騎往輯望風解散以奏績入都遂致仕歸里杜門樂道益肆力於詩古文辭著有匡廬

小集

人志

曹鵬瑞昌人太學生性沈毅好施宸濠陷九江鵬與陳策吳守柏散資集兵千餘給鎧甲糧餉固守縣城濠食當事欲上其功鵬曰昔朱家脫人於難不伐其能況士嘗學問者乎匿不見督學邵寶禮之曰奇男子也

安志

謝

舊案安志鵬同邑易鼎新吳筠劉廷棟德化黃相揚登雋隋周士左克勤九江衛呂國珍孫光前彭澤劉克仁湖口張文獻伍子孝德

安志

謝

揚

登

雋

隋

周

士

左

克勤

九江

衛

呂國珍

孫光前

彭澤

劉克仁

湖口

張文獻

伍子

孝德

安

劉春俱以孝義稱附識

王守中字一道彭澤人割股愈父疾母喪廬墓三年朝夕奠祭如事生寢濠之變縣不守守中椎牲濾酒飲眾爲盟主殺賊禽二渠魁餘分竄鄉人賴以安友諶某二子皆不肖一日攜千金投守中曰惟子可託故相累以儲衰年有餘子自取之友歸暴卒二子方爭不已守中

聞負金還二子感歎卒改行守中後祀鄉賢

安

方庸字文中湖口人讀書好義逆濠兵犯湖口庸率兵拒敵眾潰被執不屈遂遇害

府志

丁湛字子一彭澤人嘉靖進士累官禮科都給事時嵩當國湛疏發其奸詔杖闕下幾斃鐫秩量移南曹進四川參議浙江副使旣考績四閱月矣值黃巖失守嵩猶追罪之坐落職嵩旣敗卽家起官廣西參政按察使平猺獞之變推升河南巡撫引疾歸

人物志

張準字立之德化人嘉靖鄉薦任寶應知縣縣衝疲多水患準築隄安民至今有張公隄擢雷州同知討廣黎有功雷人刻石以紀升福建鹽運同知與時不合遂乞

歸志

事一敬尤敢言。隆慶初，劾閣臣高拱威制朝紳專柄擅國，亟宜罷不聽已。陳兵政八事，部皆議行。南京振武營兵由是罷去。中官呂用等典京營，一敬力諫，事寢。俄擢太常少卿，拱再起柄政。一敬卽日告歸。明史

張科字達泉，湖口人。以進士爲中書舍人。中祕書多鈔以歸，改御史。巡浙江，與胡宗憲不相下。彈抨之，遂請致仕。時年二十八耳。戚黨有與張居正交厚者，絕不一迹。其家五十餘年，悠優林下，稍以聲色自晦。人莫測其所。

操云

求是堂集

夏可範字子極，瑞昌人。嘉靖進士。授刑部主事，轉員外郎。奉命錄囚，見桁楊相望，爲求生不得，垂涕曰：「匍匐入井，伊誰之咎？隱痛成疾而卒。」所著有《龍溪集》。人物志

段孟賢字蒙岡湖口人嘉靖進士授刑部主事外轉寧州同知改判溫州理糧儲常供外不入一錢轉即都匀案牘盈前立時裁決爲文汪洋渟蓄灑灑千言蕭然舊廬不飾一樣性孝友父初艱嗣舉一姪爲後友愛如同胞數十年猶共爨焉人物志

桂枝揚德安人嘉靖進士少聰穎以神童稱事嫡母盡孝官吏部主事舉錯黜陟一秉至公居官清儉服食仍取給於家云府志

張道字性泉湖口人嘉靖進士知餘姚縣補知秀水擢御史巡按浙江一時風肅尋告歸不治生產冰檗自勵卒於家崇祀名宦府志

朱袞字文龍德化人嘉靖鄉薦由莆田教諭知南靖厯

知武城松陽潔己愛民興利剔弊俱立祠祀之蒼宛平
輦下機務煩劇中官復干擾難制袞風裁嚴峻人不敢
干以私臺省交章薦之擢刑部郎清滯獄理冤抑三年
全活者百餘人出守思恩數月卽致仕任宛平日捐俸
置九江會館買地置義冢人至今德之卒年九十有五

人物

志

蔡廷臣字蘊卿德化人嘉靖進士司理嘉興晉御史按
黔土司安國亨倡殺其叔時議興師征之廷臣單騎入
其營曉諭禍福國亨叩頭馬前輸金贖罪廷臣性耿直
不徇時相私請由順天巡按備兵信陽以山西右轄挂

冠歸人物

志

時邦曉彭澤人輕財樂施嘉靖甲戌歲大饑疫道殣相

江西通志卷一百三十九
望邦曉多爲賑貸不責償出州地四千畝給種力令親友分種歲稔遂不復取息萬曆己丑歲復侵遠近遏羅獨不許曰吾積穀以備荒也豈爲殖乎人各給穀少者

斗許多者石計亦不取償

府志

陳思字再可瑞昌人以貢授浙江安吉州訓導未及期歎曰冗員哉投牒請裁自身始牒上卽行有司計其常祿及諸生餽遣遣人齎至其家思授使者歸報令置學田浙有廉官錄思其一也

人物志

王之垣字蠡澤德化人事母極孝母病篤醫無效垣爲嘗糞每旦夕焚香對天默禱病遂愈隆慶庚午鄉薦任福建漳平知縣清介自矢秩滿解綬歸鄉杜門謝客太守張養源題其閭曰大孝高隱壽八十四

人物志

彭國光字秀角德化人萬曆進士知晉江行取吏科給事凡利害興革有裨國是者直言不避遷通州副使尋巡撫宣府時各省告歉國光捐俸解部資賑遠近德之卒於官敕賜半葬

府志

吳尙友字益齋湖口人萬曆進士在刑曹勸戚殺人時相親屬貪墨並寘之法有揮使以金珠賄獄立斥之湖口稅監李道擅作威福獨傾心於尙友請謁卒拒不見歸里置義田以贍宗族著有禮編會講文集

府志

郭一輪字仁宇德安人萬曆進士知海甯性耿介不事逢迎因調知南安怡然曰拙宦速謗所固然也已任工部屯田司主事未幾卒

人物志

萬嗣達字禹存衣子萬曆鄉舉歷官雲南金滄道副使

告歸凡地方利病侃侃言之無所避居官清介治家孝友一遵父訓卒年七十有八子堯一以崇禎庚辰特用累官工部主事孫邦和以薦辟任大理知府

人物志

許汝魁字仰亭湖口人萬曆進士知常山調上海大修水利軍例給白米數萬石歲凶無辦會開河役起汝魁自坐日中命進麥飯食之且甘軍士感動咸願以麥代米省金錢數萬奏績除南京吏部郎遷荊西道移榆林倅邊警鼓勵三軍斬首數百三年五戰皆捷朝廷降敕褒之蔭一子遷至左輔尋擢南京光祿轉通政使卒於

官人物

王演疇字孟箕彭澤人萬曆進士任南京工部升廣西桂林知府乞休歸家無長物雅好著書善賦工真草鑄

板刻石慕其筆者不減二王其四六亦膾炙人口著有
古學齋集數十卷家訓和陶集諸書

人物志

曹文緯字闇冲彭澤人萬曆進士任刑部以建言國本
削奪光宗卽位贈光祿寺丞崇祀鄉賢

人物志

劉日曦字馭初彭澤人萬曆進士令江陰值魏璫建生
祠日曦遂去官調龍游俗苦盜日曦悉捕之一時屏迹
改都察院經歷歷南京兵部郎以薦升浙江參議未任
告老日曦素行嚴毅居家孝友殫心理學尤精易著有
時習錄鏡心錄易經通解

人物志

周禮嘉字體亨彭澤人萬曆鄉薦以萬安諭知江津值
奢賊據渝郡邑望風披靡悉眾攻江津禮嘉焚香告天
廣募鄉勇竭力守禦卒保全孤城隨以監軍同秦良玉

用計禽賊恢復全省序功應詔入京值魏瑞勢燄遂致
仕歸田人咸服其清潔卒年六十有五子易象崇禎壬

午舉人

人物志

洪維幹字禎南萬曆鄉舉知桐梓時奢酋亂維幹先遣
家屬歸募兵死守有叛戍陳大義等爲內應城遂破縛
維幹說降不屈賊先斬兩僕以懼之不爲動惟欲坐正
堂而死賊許之乃衣冠北面再拜被害事聞贈尚寶司

正卿

人物志

邢士俊德化人萬曆貢生幼孤事母以孝好學通諸子
百家性恬靜寡慾有父同歲生任九江招士俊至贈以
金辭曰餧粥尚可自給不敢以私交玷公清議也自後
不再往見其介操如此

人物志

黃學詩字起我德化人爲諸生有文名教家嚴肅鄉里
推長者年八十八郡守舉鄉飲禮敦請大賓乙酉兵亂
與妻熊氏同遇害時年九十有一熊年八十八矣子開
先字竹坪亦諸生通經好古爲人樂易坦懷居鄉好急
人之困文行一如其父以子雲師貴封刑科左給事中
卒年七十有二

人物志

文士宏字元任德化人篤好理學中夜輒披衣起坐湛
然深思如此者三十年尤精周易別有神解爲嚶鳴會
館孟月九日爲大會每月四日爲小會聚徒講學聽者
常數百人更以別業創建陽明書院崇禎三年巡按御
史葉成章特疏以師儒薦未就以子理嘉興滿考封文
林郎年六十四卒學者私謚爲安節先生

人物志

趙光抃字彥清德化人父贊化工部郎中光抃舉天啟
進士鄉人曹欽程父事魏忠賢驟得太僕少卿光抃語
之曰富貴一時名節千古君不可不審欽程惡之明日
卽出贊化爲南甯知府贊化以南甯惡地侘傺而死光
抃奔喪歸崇禎初服闋除工部主事厯兵部郎中時軍
事旁午光抃才氣豪邁應之有餘閱薊遼戎務周厯數
千里盡得邊塞形勢戰守機宜列爲十二事以獻超擢
巡撫右僉都御史駐密雲至卽發監視中官鄧希詔奸
帝召希詔還而令中官孫茂霖覈實茂霖爲希詔解光
抃反得罪永戍廣東後希詔卒誅十五年兵事急博裕
邊才廷臣多舉光抃命赴京召見德政殿奏對稱旨拜
兵部右侍郎總督薊州諸鎮軍務兼督諸路援軍發帑

金四萬賞功援軍至者雖眾皆觀望及河閒失守不敢
救已聞塞上警又疾驅而北御史衛周允言光抃不急
河閒回高陽坐視淪覆帝令立功自贖及螺山之敗遂
奪職候勘光抃嘗薦白廣恩請召見賜宴帝從之廣恩
抗命不赴帝以是惡光抃與范志完同日死福藩時太
僕少卿萬元吉言光抃受事破軍之餘身先被創與誤
國志完駢首西市迄今文武貴賤咸爲抱冤給事中熊
維典亦以爲言乃復其官謝志

余朝相字君卜崇禎進士初知吳江縣厯官廣西提學
晉秩巡撫少司馬端方謹慎居官有清譽所在彰聞後
崎嶇亂兵閒改名心度隱峒獠不出人物志

黃堯彩字嗣眉德化人天啟鄉舉崇禎閒謁選除恩州

府推官尋晉知本府事值獵苗亂妖僧田文澤起兵應之官兵戰失利堯彩單騎出城四十里集兵大戰觀音山悉禽之功聞晉湖廣布政司參議分守湖北道以母老乞養乙酉避居辰州苗箐五年乃從閒道奉母歸三年卒著有長安詩南歸草黔行集廬游草車中憶錄獵苗事宜歸田紀略

人物志

傅宏祖字謙宇德化人選貢判廬州補福州旋致仕歸喜道地方大計言不及私廻龍磯鎖江樓封郭洲築長隄皆其所建議郡人賴之乙酉兵變遇害

國朝賜謚節愍

人物志

勝朝

孫承榮字君貺瑞昌人崇禎恩貢司訓仙居仙居缺令以邑事委承榮瘠土洩災民賦逋抗承榮鞭笞不事而

稅多勸輸再署甯海有劇盜嘯聚千人承榮下車佯言
曰此衣中蟲不足措意忽疾馳單騎率數卒夜抵賊巢
禽其渠正法釋餘黨不問盜平而民不擾幕府疏薦循
資遷吉安永甯教諭閒關歸里絕意仕進寄情詩酒以
壽終所著有越山清夢秦晉遊略雪扉齋稿人物志

何九達字行可彭澤人選貢任來安縣耿介清慎當事
咸呼爲先生隨致仕歸隱卒年九十餘鄉人以德星目

之人物志

喻以恕字心如彭澤人崇禎進士初任工部主事管太
倉庫清釐出納餘羨皆記籍纖毫不以自潤性寡合爲
忌者所中左遷浙江處州府司李益勵冰操治城旦書
輒多所平反少貧家無寸產居官終始一節乙酉轉刑

江西通志卷二十一 九江府
部郎中更大故旋里未一載卒著有硯菴草樺園集四
書詠明詩起古學彙存諸書

人
物
志

鄒逢吉字五從湖口人崇禎進士知武昌縣值峽山土
寇亂逢吉從閩帥擣平之流賊蹂躪汀黃多方設備與
邑紳分汛防守又立龍虎二營倣戚繼光陣法令武舉
石補天督率訓練賊聞之不敢偪暇卽與諸生講道論
藝後補臨淄縣行取入京擢兵科值關變痛哭欲赴死
忽有鮮衣跨馬至者躡足耳語久之逢吉泣對曰非所
望於吾師也其人旣去賊騎已至被縛窟室飲食弗御
慷慨括髮口占絕命辭飲酖而終

湖廣
通志

葉承光字咸庵崇禎進士厯知長洲宜興南國三縣都
城不守解組歸隱尤篤孝友賑族人貧乏者年七十卒

志

文德翼字用昭德化人崇禎進士司李嘉興平反冤獄得釋甚眾大憝吳中彥父子倚貂璫武斷鄉曲戕賊善類德翼揭而討之卒置於理府丞戴澳者素袒中彥爲之修怨肆意詆毀事聞上廉其冤擢吏部憲方嚮用而德翼以父憂歸居里門兵事方亟墨經備城守時左良玉過九江南都人情惶惑德翼諷督師呂大器監司士彥陰阻之流寇客民交証隨事鎮定德翼之力居多

白志

志
府

黃雲師字雷岸德化人崇禎進士授給事中厯吏戶刑兵四科抗疏甄別京卿凡所指陳詳明剴切爲家宰鄭元嶽所器重催楚粵餉題免鄖襄諸郡逋欠三十六萬

有奇尋歸卜居蓮花峯下徵辟不赴杜門著述有易裁

白志

詩正采榮堂集藏於家卒年七十有六孫圖進士

白志

丁孕乾字爰大德化人在諸生中風流蘊藉似晉人工

白志

詩與熊兆佳趙映第相倡和清淨遙深力追中唐竟陵
譚元春亟推之以明經任南昌學博著有詩稿閨草及

西灣詩話

白志

吳士魁字聚之德化人賦性醇厚方正自持崇禎末年
以明經任浮梁司訓署縣事輯兵安民咸服其才略閱
數月解組歸里性好善老而愈篤爲鄉飲大賓年八十
卒子用光亦鄉飲介賓癸卯舉人

白志

孫應龍字見田湖口人娶妻而目瞽有勸易者答曰我
棄誰受負心卽負天也且幸有子矣忍乎嘗中副榜復

考劣督學嘉其行曰此可風也得貢任合肥訓導或諷以置妾終弗聽

人物志

張思問字鍾陽湖口人生平不慕榮利惟究心先天理學每有所得則隨書之嘗誦邵子之言曰圖雖無文吾終日言而不離乎是著有理數卦氣圖書聲律等書崇

禎九年以孝廉賢能應辟隨卒

人物志

李獨明字五千德化人爲諸生不屑屑制舉義汎濫典籍崇禎之季徵聘遺逸郡以李名上旋赴主爵當爲邑會寇難不果補左良玉兵至赴泮池死

國朝入祀忠義祠

白志殉節諸臣勝朝錄

柳清字師伯德化人郡諸生隱居洞林山不求聞達嘗以觴詠自娛歲乙酉偶入郡城遇兵變具衣冠赴府學

泮池死

國朝入祀忠義祠

白志殉節諸臣錄

田化龍字騰岳德化人精嫻武藝有萬夫之勇以將材署南湖營守備時永豐賊熾化龍進勦斬俘無算寇敗潛伏山林孤軍深入被重圍矢盡援絕鏖戰而死永豐人立廟祀之有禱必應

國朝賜謚烈愍

白志殉節諸臣錄勝朝

董四民九江衛世職百戶總制袁繼咸聞其技勇召置麾下題授都司左兵東下調入城防守四民見事急曰吾世受國恩當以死報命其妻史氏妾姚氏並二子溺死於池畢乃登城大呼發矢迎斃數人拔刀自刎於城

上

國朝賜謚烈愍

人物志
殉節諸臣錄
勝朝

徐行可字三山九江衛世襲指揮僉事幼讀書明大義
左兵陷城行可母汪氏投井死妻鄒氏婦陳氏繼之行
可隨大書於屏曰世受國恩舍門殉節以報投筆北向
拜自經於望京門城樓

國朝賜謚節愍

人物志
殉節諸臣錄
勝朝

李全昌字文宰德化人諸生天性孝友母七十兄弟羣
起爲壽值歲饑全昌更出米二百斛傅母命賑之母卒
喪事備極情禮乙酉左兵東下全昌夫婦依母殯不忍
離比城破賊蠭擁不得前過陽明祠見火起殺人擾攘
中值妻孫氏逃亦至全昌知不免顧謂曰兩兒已出李
氏幸不絕吾得死處矣趨入祠就縊孫氏奔赴氣已絕

大痛亦投井死孫氏孝廉高山女也

國朝入祀忠義祠

人
物
志
殉
節
諸
臣
錄

勝
朝

柳李一作鴻字漸于德化人府學生得陸王二家語錄遂留心探索於知行合一之旨深有悟入事親尤篤孝父卒哀毀幾絕乙酉左兵亂鴻以母老不能行力負潛逃賊追及不忍捨竟冒白刃而死

國朝入祀忠義祠

人
物
志
殉
節
諸
臣
錄

勝
朝

孫大華德化市民左良玉東下挾督師袁繼咸與之俱袁懼爲所併調兵入城標將郝效忠謀翻城以應左兵乘夜淫掠民不勝憤多執而殺之次日郝以民激兵變爲辭露刃而噪袁倉卒計窘欲窮詰殺兵者又莫辨爲誰大華獨挺身出呼於市曰殺兵者我也無干於眾遂

斬以徇

人物志

張國維大興籍湖口人錦衣衛指揮都城陷被執不屈

死

國朝賜謚節愍

勝朝殉節諸臣錄

蔡績

一作縮

九江人官工部郎中奉桂王命謀去孫可望

事洩被殺

國朝賜謚烈愍

勝朝殉節諸臣錄

江西通志卷一百六十五